



ՄՐՑՈՒՅԹԻ ԿԱՆՈՆԱԿԱՐԳ

ՆԿԱՐԱԳԻՐ

Ծիլը հայ պատանիների համար նախատեսված ստեղծագործական հարթակ է, որի նպատակն է խթանել հայերենի նկատմամբ հետաքրքրությունը, ամրապնդել ստեղծագործական միտքը եւ ստեղծել համահայկական պատանեկան ստեղծագործական ցանց:

Հարթակն իր մեջ ներառում է՝

- **«Ծիլ տուր հայերեն» մրցույթ** - պատանիներին տալիս է ստեղծագործական հարթակ հայերենով արտահայտվելու համար, այն կարող է դառնալ լեզվի նկատմամբ հետաքրքրության և սիրո վերականգնման գործիք: Մրցույթը խթանում է ինքնարտահայտման ազատությունը, ստեղծագործական միտքը և միաժամանակ ամրապնդում լեզվի կիրառումը պատանիների միջավայրում: Ներառում է երկու անվանակարգ՝ գրական ստեղծագործություն և տեսողական արվեստ:
- **«Ծիլ տուր» աշխատարաններ** - Կարճաժամկետ աշխատարանների (1-ից 3 օր) նպատակն է զարգացնել Հայաստանում բնակվող 13–19 տ. երիտասարդների լեզվական ու ստեղծագործական հմտությունները, նպաստել նրանց ինքնաճանաչմանը:
- **Ծիլ համայնք** - Համայնքում ընդգրված են մրցույթի տարբեր տարիներին մասնակից ավելի քան 50 պատանիներ:

Մրցույթն իրականացվում է «Ամրոց» ազգային զարգացման հիմնադրամի կողմից: Հիմնադրամի առաքելությունն է աշխարհասփյուռ հայ երիտասարդների շրջանում ձևավորել խոր կապ, որպեսզի նրանք հպարտությամբ ընդունեն իրենց ժառանգությունը և փոխանցեն այն ապագա սերունդներին:



ՆՊԱՏԱԿ

«Ծիլ» ստեղծագործական մրցույթն ամենամյա միջոցառումների շարք է, որի նպատակը հայերենը հայ պատանիների հաղորդակցման հիմնական լեզու դարձնելն է Հայաստանում և Սփյուռքում:
2025թ-ի մրցույթի խորագիրն է **«Իմ անունով երկիրը»**, որը հնարավորություն է ընձեռում Հայաստանում եւ սփյուռքում ապրող հայ պատանիներին բացահայտելու իրենց պատկերացումները հայրենիքի եւ պատկանելության մասին եւ տալիս ստեղծագործական ազատություն՝ սեփական աշխարհայացքով երկիրը հասկանալու եւ այդ մասին պատմելու համար:

Ովքե՞ր կարող են մասնակցել

- 14 - 17 տարեկան պատանիներ
- Հայաստանից և Սփյուռքից
- 2022-ի, 2023-ի և 2024-ի մրցույթին մասնակցած, բայց մրցանակային տեղեր չգրադեցրած մասնակիցները

Անվանակարգեր

- 1) Ստեղծագործություն
 - Արձակ գրական ստեղծագործություն
- 2) Տեսողական արվեստ
 - Պաստառների ձևավորում
 - Պատկերապատում (կոմիքս)
- 3) Օտարագիր (խրախուսական)
 - անգլերեն և ռուսերեն ստեղծագործություններ

Ժամանակացույց

- Հոկտեմբերի 1 - 31, 2025թ, հայտերի ընդունում
- Նոյեմբերի 1-ից 30, 2025թ, Ժյուրիի գնահատում
- Փետրվարի 19, 2026 թ, ամփոփիչ միջոցառում, մրցանակաբաշխություն



Ընդհանուր դրույթներ

- Մրցույթի յուրաքանչյուր մասնակից կարող է մրցել առավելագույնը 1 ուղղվածության մեջ, օրինակ՝ «արձակ ստեղծագործություն»:
Մասնակիցը չի կարող միաժամանակ մրցել նույն ուղղվածության երկու անվանակարգերում, օրինակ՝ պաստառների ձևավորում և պատկերապատում:
- Մրցույթին պահանջվող նյութերն ուղարկելով՝ մասնակիցը տեղեկացված է և համաձայն, որ.

ա) ներկայացվող աշխատանքը ստեղծվել է իր կողմից, առանց կողմնակի մասնակցության և աջակցության: Տեքստային ստեղծագործության պարագայում աջակցությունը կարող է սահմանափակվել բացառապես ուղղագրական և կետադրական սխալների շտկումով:

բ) ներկայացվող գրական ստեղծագործությունը կամ աշխատանքը նոր են, ստեղծվել են են Մրցույթին ներկայացվելու համար և չեն առաջադրվել որևէ այլ մրցույթի:

գ) «Ծիլ» համայնքը կարող է հրապարակել Մասնակցի ստեղծագործություն(ներ)ը իր կայքում կամ այլուր (ներառյալ թեմատիկ ցուցահանդեսներում)՝ առանց շահ հետապնդելու նպատակների՝ պահպանելով հեղինակի իրավունքները: Մասնակիցները ազատ են հրապարակել, հրատարակել և այլ կերպ օգտագործել Մրցույթում հաղթած իրենց տեղծագործությունները՝ Համայնքի կողմից այն հրապարակելուց հետո:

- Ոչ ամբողջությամբ լրացված և անփութորեն ներկայացված հայտերը չեն ընդունվելու: Մասնակիցները պետք է պահպանեն սահմանված ծավալները և ժամկետները:



Անվանակարգեր

Արձակ ստեղծագործություն	Պաստառների դիզայն	Պատկերապատում (կոմիքս)
- Մինչև 2000 բառ - PDF ֆայլ - Արևելահայերեն - Արևմտահայերեն - Հայերենի բարբառներ	- Նվազագույնը 1, առավելագույնը 3 պաստառ - PDF ֆայլ - Արևելահայերեն - Արևմտահայերեն - Հայերենի բարբառներ	- Առավելագույնը 15 էջ - PDF ֆայլ - Գունային սահմանափակում չկա - Արևելահայերեն - Արևմտահայերեն - Հայերենի բարբառներ

Մրցանակներ

- Դրամային մրցանակներ՝ կրթական, մշակութային և ժամանցային ուղղություններով կիրառելու նպատակով
- Օտարագիր խրախուսական անվանակարգի դեպքում հայերենը բարելավելու հնարավորություններ
- Հատուկ մրցանակներ



Գնահատում

- Ժյուրիի յուրաքանչյուր անդամ անանուն ձևով ծանոթանում է իր անվանակարգի մասնակիցների աշխատանքներին (ինկոգնիտո, առանց անձնական տվյալների):
- Ստեղծագործությունները գնահատվում են ըստ անվանակարգերի: Յուրաքանչյուր անդամ առանձնացնում է, իր պատկերացմամբ լավագույն 10 հեղինակներին և գնահատում՝ 1–10 բալով (1՝ ամենացածր, 10՝ ամենաբարձր): Նույն միավորը կարող է տրվել մի քանի մասնակիցների:
- Բոլոր գնահատականների գումարով որոշվում են հարցազրույցի փուլ անցած մասնակիցները: Հարցազրույցն անցկացնում են «Ամրոց» հիմնադրամի հոգաբարձուներն ու ժյուրիի անդամները:
- Ըստ ընդհանուր միավորների և անվանակարգերի՝ սահմանվում են մրցանակային տեղերը. ամենաշատ միավոր ստացածը զբաղեցնում է 1-ին տեղը, հաջորդները՝ մինչև 3-րդ տեղ:

Ժյուրի

- Ընդհանուր ժյուրիի կազմը՝ 9 անդամ:
- Յուրաքանչյուր անվանակարգի համար ձևավորվում է մասնագիտական խումբ. նեղ մասնագետներ + «Ամրոց» հիմնադրամի ներկայացուցիչներ:
- Ժյուրիի անդամները պատասխանատու են աշխատանքների գնահատման և հարցազրույցների անցկացման համար:



ՀԱՃԱԽ ՏՐՎՈՂ ՀԱՐՑԵՐ

1. Ինչպե՞ս պետք է ուղարկել աշխատանքները:

Աշխատանքները ներկայացվում են համապատասխան հայտադիմումին կցված, PDF ձևաչափով: Կցված նիշքը չպետք է պարունակի անձնական կամ անձը հաստատող տվյալներ:

2. Ո՞րն է խորագրի և վերնագրի տարբերությունը:

Խորագիրը՝ «Իմ անունով երկիրը», մրցույթի ընդհանուր թեման է, որի շրջանակներում մասնակիցն ազատ է ընտրել իր ստեղծագործության վերնագիրը և բովանդակային յուրահատուկ գիծը, որը կլինի միայն իրենը:

3. Հնարավո՞ր է մասնակցել թիմով:

Մրցույթի մասնակցությունն անհատական է:

4. Ի՞նչ անել, եթե չունեմ հայերենի բավարար իմացություն:

Այս դեպքում կարելի է մասնակցել «Օտարագիր» անվանակարգին՝ ստեղծագործությունը ներկայացնելով այն լեզվով, որին լավագույնս տիրապետում ես:

5. Եթե աշխատանքը չհաղթի, ի՞նչ ընթացք կունենա այն:

Լավագույն ստեղծագործություններից շատերը հրապարակվում են «Ծիլ» համայնքում կամ գործընկեր ամսագրերում:

6. Հնարավո՞ր է միաժամանակ դիմել երկու անվանակարգի:

Հնարավոր է դիմել երկու տարբեր անվանակարգերի (օր.՝ Ստեղծագործություն և Տեսողական արվեստ), սակայն հնարավոր չէ դիմել նույն անվակարգի երկու տարբեր ճյուղերի (օր.՝ պատկերապատում և պաստառների ձևավորում):

7. Մասնակցության համար որևէ վճար պահանջվու՞մ է:

Ոչ, մասնակցությունն անվճար է: